

## Tuujummi sanaartukkat nappaanersiorneqarnerat

” Iserit A/S-imi pisortatut nuannaarutigaa nappaanersiornermi qujassuteqarlunga oqaaseqarsinnaatitaagama. Ileqqusoq tamanna pitsaasuvoq, sanatitsisup sanasut sulinerannut qutsavigisinnaammagit, maanilu issittumiittuusugut ilissinnut qujassutissaqarnerput tunngavissaqarluarpoq, sila qanoq ikkaluaraangalluunniit sulijuartuugassi.

Takusinnaasassitut “qutsavigineqartut allassimaffiat” iikkami nivingatipparput sanaartornermi suleqataasimasut tamakkerlugit allassimaffigisaat, taakkulu ilarpassuit maanngaanniit allamut ingerlaqquereerput. Taamaaliorpugut kikkut tamarmik mininneqassanngimmata, pingaaruteqartorlu suleqatigiinneq, pingaartumik allat suliaannik nangitsissagaanni. Ullumikkut oqaatigiumavara EMJ-Atconip suleqatiginera neriuutigisassatsinniit pitsaanerujussuummat, taamanikkut sinaakkutissatut isumaqatigiissutissaq neqerooruteqartitsissutigatsigu aammalu Iserit Pinguaaqami sanaartornermi siullermik aallartitsinissaanut atatillugu.

Maannakkut maaniippugut, illoqarfiup qeqqani, tamaani inissiat pitsaasut 148-t sanaartorneqassammata. Aammaarlusi ukioq manna ukiup aallartinnginnerani ajornakusoortumik toqqavilioqataavusi, marraqarfik masarsuttalik piiminartuunngitsoq matuneqarpoq, maannakkullu kialaartumi isersimavugut. Taasa sinner amigaataalerput, oqartarnitsisuut...tamannalu aamma suleqatigiilluarnikkut anguneqassaqqarpoq. Tamanna pillugu sodavandimik skååleerta – suleqatigiinneq pillugu skål.”

